

古今圖書集成

中国学术类编

学行典
上
(三)



欽定古今圖書集成理學彙編學行典

第九十五卷目錄

讀書部藝文一

難自然好學論

讀書賦

與學生書

答劉補求述制旨義書

高鳳好書不知流麥賢

秋宵讀書賦

讀書序

螢光照字賦

螢光照字賦

螢光照字賦

聖壁倫光賦

求鄰壁光判

求鄰壁光判

於途壁坑判

耽書穿牀判

送周天驥序

讀秘閣藏書賦

讀秘閣藏書賦

讀秘閣藏書賦

讀書部藝文二

齋中讀書

讀書

翰林讀書言懷呈集賢院內諸學士

唐李白



晉嵇康

束皙

梁元帝

同前

北周庾信

唐王廷齡

王勃

楊弘貞

趙蕃

蔣防

獨孤鉉

闕名

康廷之

闕名

崔融

宋真德秀

明張同德

史棣偕

翁正春

朱謝靈運

謝惠連

送諸葛覺往隨州讀書

送王正字山寺讀書

讀書

勸學

勸人廬山讀書

讀書

秋過龍武李將軍書齋

題耿拾遺春中題第五四郎新修書院

李常侍書堂

讀書

咸平讀書堂

題濂溪書堂

李氏娛書齋

靜江歸舟中讀書

秋夜讀書

東觀讀未見書

讀書

觀書

書聲齋

看書

張燕公讀書堂

山中讀書圖

袁寅亮讀書深山萬木之中以避暑文應為賦

長句因次韻以寄

送沈孝廉讀書天屏山

讀書自感

韓愈

李嘉祐

柳宗元

孟郊

李羣玉

皮日休

王建

盧綸

釋無可

朱歐陽修

陳師道

周惇頤

韓駒

張栻

黃大受

黃庭堅

陸游

朱熹

元郭翼

舒頤

劉因

陳高

郭鈺

張羽

明胡居仁

嘆古人讀書二首

讀書二首

勉仕男讀書

送友廬山讀書

前人

馮從吾

楊爵

吳應謙

學行典第九十五卷

讀書部藝文一

難自然好學論

晉嵇康

夫民之性好安而惡危好逸而惡勞故不擾則其順得不逼則其志從洪荒之世太朴未虧君無文于上民無競于下物全理順其不自得飽則安寢饑則求食怡然鼓腹不知為至德之世也若此則安知仁義之端禮律之文及至人不存大道陵遲乃始作文墨以傳其意區別羣物使有類族是立仁義以繫其心制其名分以檢其外勸學講文以神其教故六經紛錯百家繁熾開榮利之塗故奔騰而不覺是以食生之禽食園池之菜菽求安之士乃詭志以從俗操筆執觚足容蘇息積學明經以代稼穡是以困而後學學以致榮計而後習好而習成有似自然故今吾子謂之自然耳推其原也六經以抑引為主主人性以從欲為歡抑引則違其願從欲則得自然然則自然之得不由抑引之六經全性之本不須犯情之禮律故仁義務于理偽非養真之要術廉讓生于爭奪非自

然之所出也由是言之則鳥不毀以求馴獸不羣而求畜則人之真性無爲正當自然就此禮學矣論又云嘉有珍膳雖所未嘗書必美之適于口也處在閭室親蒸燭之光不敏而悅得於心况以長夜之冥得照太陽情變鬱陶而發其蒙雖事以未來情以本應則無損于自然好學雖曰夫子之甘苦身之于痛癢感物而動應事而不須學而後能不待借而後有此必然之理吾所不易也今予以必然之理喻未必然之好學則恐似是而非之議學如一粟之論于是乎在也今于立六經以爲準仰仁義以爲主以規矩爲軒冕以論議爲哺乳由其塗則通乖其路則滯遊心極視不觀其外終年馳騁思不出位聚族獻議唯學爲貴執書摘句俯仰吞啞使服膺其言以爲榮華故吾子謂六經爲太陽不學爲長夜耳今若以講堂爲丙舍以誦讀爲鬼語以六經爲蕪穢以仁義爲昆腐觀文籍則目瞶修揖讓則髮僂襲章服則轉筋譚禮典則齒齟十是兼而棄之與萬物爲更始則吾子雖好學不倦猶將闕焉則向之不學未必爲長夜六經未必爲太陽也俗語曰乞兒不辱馬醫若遇上有無文之始可不學而獲安不動而得志則何求于六經何欲于仁義故以此言之則今之學者豈不先計而後學苟計而後動則非自然之應也予之云云恐故得舊蒲菹耳

讀書賦

東晉

駢道先生落泊閑居藻練精神呼吸清虛抗志寒表嚴形陋廬垂帷帳以隱几被執素而讀書抑揚嚼噴或疾或徐優游繡藉亦卷亦舒頌卷耳則忠臣喜誅

夢我則孝子悲憫碩鼠則貪民去唱白駒而賢士歸是故重華諫詩以終己仲尼遺易於終身原憲潛吟而志賤顏回精勤以輕貧倪寬口誦而芸穽買臣行吟而負薪賢聖其猶華華况中才與小人

與學生書

梁元帝

吾聞斯玉爲器喻乎知道惟山出泉譬乎從學是以執射執御雖聖猶然爲弓爲箕不無以矣抑又聞曰漢人流麥晉人聚螢安有挾冊讀書不覺風雨以至朗月章奏不知燭火爲微所以然者良有以夫可久可大莫過乎學求之於己道在則得

答劉瓛求述制旨義書

同前

學山學海未臻其極爲龍爲光或從王事所賴昔經挾服頗足良書憑几據梧靜供游目枕中之記即用爲枕帷前之帙仍可爲帷對此自娛敬而待命叩而必應已謝懸鏡汲而無竭復乖并養

高鳳好書不知流麥贊

北周庾信

高鳳好學專心不迴流連經笥對玩書臺石門雲渡銅梁雨來麥流連還書卷猶閑

秋宵讀書賦

唐王廷齡

獨夜寥寥今清我素襟踐藝城兮遊藝書林觀先王之行道見古人之同心義皇之精微兮含陰吐陽周孔之奧秘兮神人鬼出有禮樂經邦之化有德刑御人之術雖與風而致理或因文而喪質借如助築於澗垂釣在川麥來而所象方得絲啓而其觀必觀何風雲之冥感而君臣之道全謨明諸開物成務儀在廷而何辱曉得燕而何遇起之來今而長平不守季之入兮而武關非固將吉凶之由人伊存亡之有

數若乃大夫西都之佳賈公于南皮之勝職將軍之寶閣天半衛尉之涼臺水曲馳香車與寶馬炒纖纖及美玉玉佩金飾暮不歸妙舞清歌斷方續何貴幸之斯甚焉歡娛以自足上有竄江漢今不用首河梁今永辭長門幽絕恨欲死掖庭一去還無期黃鳥嚶嚶兮野花落白露漉漉兮邊草衰此時但能登高而遠望執云不勝斷兮淚如絲夫以聰明正直維神之假有才無位奚其爲者行莫過於顏曾文莫先於班賈空競競於人世竟蹉跎於物下能育其實則宜無屯不與其命何生此人仗雄劍以激憤一欲問夫若

是夜如何其夜以闌閑琴半落坐南端流月應牕兮素華滿銀缸燈輝兮清光爽於是開中軒展晴盼天故頭兮北斗何高雲依依微兮南山可見銀河既已傾玉窗又以明哀鴻嗷嗷兮空際遠墜葉紛紛兮林外經已而羣感互興衆念相積憐惟顏兮何暮對流年以自惜徒見其生也楊柳繁華爲我春不知其死也松檟幽泉爲我久何恃俊於彌衡何慟窮於阮籍郭璞蒙垢兮豈不潔幽蘭無人兮終自芳黃授從來兮非所願白雲遙遙兮滿山自得長歌太平事胡爲擾擾風塵閒

讀書序

王勃

書以記言其來向矣越在三代左史職之百官以理萬人以察揚于王庭用實大焉苟非可以變理情性平章邦國數算倫而叙要道察時變而經王猷樹皇極之綱維資生童之視聽皆可略也昔者仲尼之述書也將以究事業之通而正性命之理故曰吾欲託之空言不如附之行事道德仁義於是乎明刑政禮

古今圖書集成

樂於是乎出非先王之德行不敢傳非先王之法言不敢道紀千數百歲斷自唐虞迄于周漢風流所存百篇而已此見聖人言約理舉神明不勞而體時務之撰矣故能法象天地同符易簡借前著於空蹄驅後主於軌物密而顯宏而與久而彌新用而不竭非古之聰明聖智元覽博達孰能為此哉孔安國曰帝王之制坦然明白可舉而行嗟乎其言甚大可使南面稱聖人之後矣自時以降史述變遷人自為家標指失中陳事亂而無當制理舉而不一由是大典散而人文乖是非繁而取舍謬與夫古先哲人制述之意不其疎乎我先君文中子實秉曆鑑生於隋末親後作之遵方憂異端之害正乃喟然曰宣尼既沒文不在茲乎遂約大義刪舊章續詩為三百六十篇考偽亂而修元經正禮樂以旌後王之失述易讀以申先師之旨經始漢魏迄于有晉擇其典物宜於故者續書為百二十篇而廣大悉備嗟乎聖賢之述豈多為哉噫亦足垂訓作則冒天下之道如斯而已矣當時門人百千數董薛之徒並受其義遺代喪亂未行于時歷年永入稍見殘缺貞觀中太原府君考諸六經之目則亡其小序其有錄而無篇者又十六焉嗚呼茲不可復見矣家君欲若不忍圖終休緒乃例六經大禮樂叙中說明易讀末惟保守前訓大克敷遺後人勃兄弟五六冠者童子六七祇祇怡怡講問伏漸之日久矣躬奉承訓家傳異聞猶恐不得門而人才之不逮至遠也是用屬精微憤吟晝夜庶幾乎學而知之者其修身慎行恐辱先也豈聲祿是徇前人之不繼是懼聞者承命為百二十篇作序而兼

當補修其闕爰考衆籍共參臆旨泉源浩然罔識攸濟嗚呼小子何敢以當之也其盡心力乎始自總章二年洎乎咸亨五年刊寫文就定成百二十篇勒成二十五卷昔文中子云漢魏之遺業未足稱其書不可廢也尚有近古之對議存焉制詔則則幾乎典諸矣後之達曙者將有得於斯文乎于時龍集閏茂勉踵前修在大唐御天下之五十七祀也

螢光照字賦 大咸亨五年 楊弘貞

儒有貧居在陸志學無必思照字之物類得聚螢於心術散點熠燿文彩之旁流開卷焚焚古今之洞出瞳矓隱映積小而成臨竹簡而增美歷銀鈎而轉明讀周室之書每見日中之字覽龍涓之傳猶疑火照其營既有求于時習奚勿期而宵行想夫交錯積中英華發外魚鳥飛動鉛黃騰露無心於處暗彌見精專取足於臨文豈勞光大矧見無窮心動飭躬泛凝輝於垂露翻碎影於雕蟲筆精之體無隱隱思之文有融既的燦於六身之上復浸淫於三豕之中則知雅善從宜功能白駒時當炎燠嗟映雪而未期義涉罕審忌偷光之失計是用求乎昭質承乏華燈每揚之自此知照况燭之因以輝弘斯作者所以警清士而體物傳無忘其所能

螢光照字賦 大咸亨五年 趙普

丹局火焚臨書育明假書爾之微照侯侯焉而有成由是引素囊開縹帙文的燦而可見影循環而無必孤懸虛隔依依而鳥跡初分迴薄帷幕而龜文乍出嘉其烟若流耀煥乎發蒙受分寸而靡隔助舒卷而不窮所以藉微索積輝躬降映有餘草廬武子

之志焚煌如貫晷明奢頤之功臨墨池而珠還合浦映草翰而燎點興聚至若暗室方局清宵未艾炫微質於幽邃閱羣言於宵露餘光不滅能溫故而知新珠彩乍臨為積小而成大爾其香香皆微歷歷可憑分白黑而為度隨編簡而不恆初訝無烟潛蛭化草之狀纔贖吐耀暗分垂露之能及夫皓若雲舒明如珠綴互離離而登色紛漠漠而流盼是以象鈎深類冥契倘觀光之不昧庶微躬之足勵

螢光照字賦 大咸亨五年 蔣防

士有閱簡策尚專精恆俾夜而作書每聚螢以雙明期照燭於無隱候沈研而有成縹帙時開玉葉其丹輝竝耀銀鈎下映繁星與片月俱生惟幌之際微明舒敞或熠燿以光吐復離離而聚綴俯而察煥乎呈科斗之文靜而觀烟燭見離蠶之藝諒依人以明道匪藉光以自衛居暗室者懷我而載寢載興遇明時者假我而自強自勵用或因物動斯飭躬不晦乎風雨不虧乎昏蒙臨墨池則珠還合浦映草聖則燦點寒藜誰謂向乎晦照蕭蕭今無小無大誰謂誰乎密隨晝夜今無固無必金蟾始徹疑清露之騰文鳥跡旋分謂靈鳥之就日可以窮末夕可以佐殘燭舍之則其功不足用之則其道彌弘願螢光之在照蓋欲罷而不能

螢光照字賦 大咸亨五年 獨孤鉉

儒有聰明卓犖覺然先覺勿懷六蔽之嘆是切三冬之學無光穿屋如燭豈獨畫之有角且以蘭膏既絕日月其將欲假明於他人之室方聖教於夫子之嚮乍引潛輝怯投珠之暗忽分圓影疑月出之光觀夫

納輝之初流輝乍舒獨見之明何得和光之義則如
然後傳之辨焉遂以分魚諒非倫人之所以固同聞
者而求於退影未周將閱小明之什分輝竟芳難尋
光大之書於是舍之則止用之則行彼君子訝來風
之穴別吾儕觀繼日之成誰謂我儉倫則不減誰謂
爾失夫亦不驚徒愛夫覺則無欺端之有私文從曲
照字逐圖窺守其黑非吾徒也用其光若已有之始
慙服閣之議不能牆面終契襲明之旨或異嘗窺况
乎貧則宜甘學也宜航船爾光不遠於誨盜爾吾壁
非涉於攘食志也則勞自知不足豈奪壁微之見實
假照鄰之燭等虛室之白寧虎爾明喜衝孔之光已
從吾欲然則能資於昧者可望非親欲求於明者有
志無因達聞之心雖固偷光之意何新是可投庸功
學捨彼求身故能才已微於夢鳥道非室於獲麟

求鄰壁光判

闕名

鄰珍好讀書穿鄰壁取燭光鄰告為盜

鄰珍黃冠野客白屋寒生仰桂林之一枝魯思對策
掩蓬門之三選無忘偷光但學以資身行不踰志因
人之利尚或不為竊鄰之光何居而可必欲三餘不
棄百遍無疲原應散衣杖藜而并病顏回陋巷飲水
而多歡既知讀書應聞對馬與其鑿壁何如聚螢若
觀過如仁推情做獄求繯之婦倘未過於黃沙懸梁
之夫庶獲哀於丹筆遊禮人律理或難容居法徇私
斯焉有在

求鄰壁光判

康廷之

鄰珍倚衣橫帶遙柳編蒲有賤簾金將希片玉南都
自富北郭實資殊謝梁鴻不求因熱乃如蘇李願惜

餘光已接武於匡衡方齊蹤於竈越室例非邇未窺
夫子之牆紡績可兼輟聖鄰人之壁情非竊伏事涉
穿窬抑有前聞宜徵故實從按記過不合論辜

於途壁坑判

闕名

寧子讀書于途壁坑來晚師行夏楚以罰非其罪
令師謝過俱不服

學古人官不學將移聖人所以留範君子誰非用心
荷義寧生動亦至矣手繩口誦何劉實之能匹負書
猶豈豈蘇秦之可加悠悠長途是誼是誅舞中襟而
始屬經巨咍而方歸師以來晚見嫌申夏楚令以
罰非其罪乃起異端在師雖則傷嚴違訓又乖通論
且尊無謝卑之禮卑有順上之心蒙難不才此未為
允

就書穿牀判

崔融

孔安家貧就書一產數載不移故穿牀邑宰以為
情廉遂蒙答責廉使謂尊高賢附狀

孔安家承聞里訓習淹中黃叔度之平生朱買臣之
故事康成進德斯覽卷於八千士安行道願加年於
數百邑宰廉當調俗務在化人管幼安之藥牀莫飲
高義王君公之板牀尚真規緯綽治長昔聞其事
懷捷竄越今見其人徒有望於動農終致懸千廩學
廉使親承聖旨肅事澄清一字之獲人知激節片言
之貶士識愧心附狀稱不優賢據理自須惡德更懷
文過須是提刑

送周天驥序

朱真德秀

周君天驥簡志於學予嘗因其名齋有以告之矣今
復任顧敝廬斂然自下願聞為學之要終其身而可

理學彙編學行典第九十五卷讀書部

行者于之學也涉獵而未醇精進而弗精將何以
告子雖然亦嘗聞其略矣以聖賢大道為必當修異
端邪徑為不可蹈此明趨向之要也非義之富貴遠
之如垢汗不幸而賤貪甘之如飴蜜志道而遭利重
內而輕外此審取舍之要也欲進此二者非學不能
學必讀書然書不可以汎讀先大學次論孟而終之
以中庸經既明然後可觀史此其序也沈潛乎訓義
反復乎句讀以身體之以心驗之循序而漸進孰讀
而精思此其法也然所以維持此心而為讀書之地
者豈無要乎亦曰敬而已矣子程子所謂主一無適
者敬之存乎中者也整齊嚴肅者敬之形於外者也
平居齋慤如對神明言動酬酢不失尺寸則心有定
主而理義可入矣蓋操存固則知識明知識明則操
存愈固于朱子之所以教人大略如此傳曰歸而求
之有餘師子歸取子朱子之書而伏讀之又從而深
思之實體之則將有以自得之矣又奚以予言為哉

讀秘閣藏書賦

明張同德

繫皇明之運極擁圖書以作君啓先王之冊府通稽
古而右文訪鈔軌於丘索蒐微旨於典墳聚六經之
芳潤糾百氏之清芬溯書契以來茲盡述作之紛紜
漢武之所不及表章淮南之所未書見闕極宇宙之
巨麗觀古今於夕昕於是考類職班選載按部文籍
科斗之質字別魯魚之誤標儲軸之輝煌飾牙籤而
分布收千載之秘藏為一代之藻蘭隨華腹之十重
隆景龍之四庫念所寶之惟書慮燥濕之相薄開藝
園於西崑創連雲之畫閣左坪右城虹棟刺桐丹楹
炫爛銀榜灼燦同石渠之藻富豈結綺之聲樂鼎彝

古今圖書集成

鈴繫映交疏紅日以熈煌必若香拂熈微風而散落於是皇綱恢帝統張容四岳遵明揚舉側陋列庶常徵能旌賢率彼舊章是以操觚之士咸受簡以就列清華之地盡寓目於縹緗朝馳思於東觀夕遊思乎玉堂嘉古訓之有懷今鑒不學而面牆歎辰去之太速今敢坐頽乎景光肆上聖而華編三絕分尼父日惟皇皇彼大賢而載書留學今墨翟之所垂芳舒不覩園圖今發天人之秘藏固負及遠遊今究墳籍之流洋邑願直秘閣今引斷日於瑩囊向校書於天祿今必握卷以就光遐瞻往哲好學不倦嗟余後覺欽夜鑑範承聖主之嘉惠日踟躕於秘苑進聖訓於明師退資益於羣彥隆佳木之旌龍隱好鳥之脫駘對瀛洲之蕭森俯方地之澌澌寄閒情於簡帙視圖書之璀璨尋先民之堅諸考當代之文獻咀風騷於七略破圖史於萬卷手不停披口不絕吟夜焚膏油畫惜分陰事必聖賢言必會心枕藉藝苑七志書林覽九流於竹素瞰萬寶之珠琳將假經術以經世豈徒糟粕之是尋於斯時也人閒書時和景明蟬聲抱樹草色連楹開閣元覽發憤遺經補藻綴詩志游神清怡心尚友之路銳志著作之林因乃爲之歌歌曰穆穆清廟懿教陳分披圖緯經綏聖真身登夏簡俊佐文明今校模作人學覺成今秘閣校緯備榮觀今恭承嘉惠共勉旃今願此清嚴難再得今編彼先覺作我則今

讀秘閣藏書賦 有序

史繼偕

執徐之歲厥月維畢主上弘作人之略開材館而延賢人愚以蟻垤與寄跡焉朝夕金馬之門翔翔

石渠之署其於神祕籍雖未及盡探爰與而偶涉津涯則歎爲烈祖敦古右文若是渥也章逢下士不睹瑰璋殊觀緒統詞人不究崇茲實用作斯賦以明之其詞曰

九區咸九鼎奠帝圖宣文編鴻略張秘閣建經始於中和之極裁基於景緯之嚴條紫宸而雲構度丹砌而星躔負朝陽以南向擅達密於東偏峻級周垣重宇層軒雕玉璣以居樞裁金碧以飾瑤甍紅米之焜耀紛翠氣乎飛騰齊雲落星方之掩其璀璨麗譙井幹遇焉失其焜煌帝乃發天苞闢地付搜汲系之秘嚴萃孔壁之遺書茂先聚來惠施五車繁縟兼與錦軸間瓊瑛及璫璣萬芸香之郁馥爛縵紛乎卷舒巧曆不能窮其數諫首不能擬其餘遠而望之如榮光萬丈鬱起而通霄漢迨而祭之若清都乍啓懽悅而列居諸於是司之以元老奇之以重臣開翅材之上館集卓犖之儒英服藻華帶冕弁振振雍乎鳳虎之倫在園異乎鷄鶩之列充庭乃隱詞苑汎義漲咀藝圃圖談讓出入二酉之中馳驟千年之上若夫河龍孕乎畫卦洛龜獻乎叙疇玉版金縢之寶丹文緣開之幽邇三墳與五典興八索而九丘仰煥矣其有唐類郁乎其成周吾觀夫元首載廢發吟咏之志黼黻作服垂教敷之謀歌九叙之時若戒三風之綱繆昌申繇而隱約旦緝頌而多飮素王之有作羌掩乎前修既虎變而龍吟亦金相而玉琢未舌宣而千里應席珍流而萬世燭焉扶輿之輝光晚初杰之耳目觀天文以極變察人文而成俗莫不脩齊森羅網維脈絡下逮立言之彥著述之良曾思庸儒以聲折

柱漆迷道以翔翽禹墨循儉稱之教申韓課名實之章馬班范荀揚眉干事辭之困關閭濠洛雅步于性命之場雖各開乎戶囑總蒐括之不忘更有奎章宸翰寶籙瑤箋聖政之紀大誥之篇揭諸司之堂職傍民庶而敷宣禮樂明而天澤位刑律設而雪霜嚴關心學之祕旨括理性之純全及羣聖之繼作各鳳着以龍鶩信員規之麗藻而不徒踟躕于言詮者矣當是時也酒假金堂光分藥杖混沌啓明須彌搖蕩離朱心照輪奐意匠始而博覽若沉淵之網彌山之置弋鸛鵲瞻龍樞極天斗探珊瑚少而沈思凡乎若枯杖之桐甲進綸絲于月窟霏霏今忽忽乎若出今若沒終而灑然悟豁然登若春水夜生波漲元冥而蒙衝巨壑沛乎鴻毛之輕于以研天下之幾探天下之隨斷天下之疑剖天下之惑絳灌干焉而辭勞頗霸干焉而羞棄趙李干焉而與皂荷保干焉而丐乞振亭亭兮獨秀垂緜緜兮不絕故神理數而消頑鄙文化設而靖遐荒黃姚姬妣不遠顏于咫尺若蘇伊望共接乎千廟堂奚徒襲右文之虛跡而藉藉之餘芳若夫斯輪廟扁亡羊詭賊孫懸梁而閉戶匠鑿壁而引光密範蒲而牛衣引向夜而螢囊炫靡蟲之末技昧筆餘之大方吾誠不能與數于並故廣然獨觀于斯閣之所藏

讀秘閣藏書賦

翁正春

一元渾敦今萬有亭毒龜圖呈秘今龍鬼夜哭晉神光兮集鳥集繩不奇兮書契出字之收兮餘一萬二千韻之總兮約三百有六諸史研磅六篇編錄巧曆有所不能窮諫首有所不能目慨文運之中微罹祖

龍之回祿以故大酉合其翼小酉藏其穀遠經漸行
散帙罔伏况歷代之表章故祕書亦稍稍其復崇皇
明之啓祚今值世道之亨嘉崇文教以作人今園六
合爲一家搜孔壁之餘燼分振藝圃之奇葩徵宿儒
于巖穴分命羣儒而訂衍文移科斗之質今字校魯
魚之差既繕寫以成書應貯藏之款瀛洲開府于西
崑關雲臺于東壁重簾迴廊左坪右城綺疏輝煌燭
檻絕獻木天管而閣散今圖書聚而充閣閣經史與
子集今成什襲以無餘景龍四庫惠施五車包羅千
古紺圖羣書鉛槧披而日映牙籤潤而露濡匪誇觀
于結綺寶書富于石渠羌斯地之深嚴今豈達之
敢望肆小子之蒙瞶今陟秘居之幽曠愧館職之濫
竽今徒大官之坐餉感遺達之鮮觀今敢蹉跎而孟
浪于是意遊清署偃息玉堂嘉古訓之有獲鑒不學
而面牆俯流光兮若學期匪勉兮皇皇况夫瀛洲春
暖太液波光鸞聲鳳影徘徊蘭荷荷其逞秀連
冉冉以含香富斯時也余幸踰苑瞻輝詞林清殿寓
目今李邑之樓勝心兮鄒侯之架嘗宿板柱而登鑑
山藍田之頂兮璫璵之珍在前惟介而守敦庚海陵
之倉兮山坻之積如孫既神炫乎巨屢復心懷而衡
肝垂綈慢而隱几被執案以鳴咽抑揚噴噴或疾或
徐沈潛涵泳亦卷亦舒激芳潤于六經今攝轄餘于
諸子咀英華于七略今鏡與亂于列史考昭代之文
獻今思憲章于德韻畫借陰以伊吾今夜焚香以繼
昇枕藉境與儲風騷興與容客送送陶陶說者謂
臨雲之跡不辱棹棹垂天之翼不挂網羅尺寸繩墨
之末精公墨老之曹皆古人之陳迹而輪扁之所柏

精又烏信其自見于管蠡而自脫于環絲矣自苦而
微噉豈知紀載雖難與義停蓄往哲遺言後人芳躅
理無微而不該善無細而不錄况值聖主之右文加
以明師之誨育即上智猶華草矧余材之樸樸余將
以吟以味藏玩載讀導文家批理窟資之以黼黻皇
猷豈徒章句之是東憶昔童子搜奇今下帷幌正堅
運思今入彀芒司馬命意今名山藏遽生經銷今分
天章是皆涉中局窺變堂足以恢帝紀振王綱余誠
不敢與數子並竊有志焉敢謙讓乎未遑辭曰於皇
我后文治蔚今校模作人電士萃今天祿宏開麗若
遼今披圖尊經閣靈秘今儲養英儒草嘉惠今甄生
何幸隆簡昇今咕嚕勉旃期道治今羽冀斯文永弗
墜兮

讀書部藝文二

齊中讀書

宋謝靈運

昔余遊京華未嘗廢丘壑矧乃歸山川心跡雙寂寞
虛館絕諍訟空庭來鳥雀臥疾豐暇豫晷刻時間作
懷抱觀古今寢食展嚴譚既笑沮溺苦又咽子雲閑
執戟亦以疲耕稼豈云樂萬事難並歡達生幸可託

讀書

謝惠連

寶園奚足貴下帷故宜遲山成宿一簣崇積始微塵
虞軒雖眇莽顏隔亦何人

翰林讀書言懷呈集賢院內諸學士

唐李白

晨趨紫禁中夕待金門詔親書散逸快探古窮至妙
片言苟會心掩卷而忽笑青蠅易相點白雪難同調
本是疎散人屢貽福促詔臺天屬清朗林樾憶遊眺
或時清風來間倚門下瞻嚴光桐廬溪謝客臨海嶠
功成謝人間從此亦投釣

送諸葛覺往隨州讀書

韓愈

鄒侯家多書插架三萬軸一一懸牙籤新若手未觸
爲人強記覽過眼不再讀讀哉聖文磊落載其腹
行年五十餘出守數已六京邑有舊廬不容久食宿
臺閣多官員無地寄一足我雖官在朝氣勢日局縮
屢爲丞相言雖惡不見錄送行過淮水東望不轉目
今子從之遊學問得所欲入海觀龍魚矯翮逐黃鵠
勉爲新詩章月寄三四幅

送王正字山寺讀書

李嘉祐

欲究先儒教還過支通居山增朝聽法竹逗獨看書
向日荷新捲迎秋柳半疎風流有佳句又似帶烟鋤

讀書

柳宗元

幽沈謝世事倪默窺唐虞上下觀古今起伏千萬途
遇欣或自笑戚戚亦以吁釋軼各舒散前後互相逾
羣病擾靈府日與往昔殊臨文乍了了微卷九若無
竟夕誰與言但與竹素俱倦極便臥臥熟寐乃一蘇
欠伸展肢體吟詠心自愉得意適其道非願爲世儒
道盡即閉口蕭散相因拘拘者爲我拙智者爲我愚
書史足自悅安用勸與勉實爾六尺軀勿爲名所驅

勸學

孟郊

石乃有火不離元無烟人學始知道不學非自然

萬事須已運他得非我賢青春須早為世能長少年

勸人廬山讀書

李羣玉

懷君少壯利如鋒氣爽神清刻骨聰片玉若磨唯轉

學其辭雲水入廬峯

讀書

皮日休

家資是何物積秩列梁高齋曉開卷獨共聖人語

英賢雖異世自古心相許案頭見魚魚猶勝凡儒侶

秋過龍武李將軍書齋

王廷

高樹蟬聲秋巷裏朱門冷淨似閑居重裝墨數莖

竹長著香燕一架書語笑待兄知禮數吟哦野客任

狂疎就中愛讀英雄傳欲立功勳恐不如

題耿拾遺春中題第五四郎新修書院

盧給

得接西園會多因野性同引藤連樹影移相間花叢

學就晨昏外歡生禮樂中春游隨墨客夜宿伴僧公

散快燈檠燕開簾月帶風朝朝在門下自與五侯通

李常侍書堂

釋無可

結構因墳舊簾前竹未生塗鉛寫日早望東風輕

思架窗客垂簾雨過城已應窮古史師律執齊名

讀書

朱歐陽修

吾生本寒儒老尚把書卷眼力雖已疲心志殊未倦

正經唐虞偽說起秦漢篇章已句讀解詁及箋傳

是非自相攻去取在勇斷初如兩軍交乘勝方酣戰

當其旗鼓催不覺人馬汗至故天下樂終日在几案

念昔始從師力學希仕宦豈敢取聲名惟期脫貧賤

忘食日已曠然薪夜使旦謂言得志後便可焚筆視

少債辛苦時惟事與傲歲月不我留一生今過半

中間書卷內外職文翰宜榮日近更給亦豐羨

人情慎所習習成性比安憂漸近時俗流稍學營

杯盤窮水陸賈客羅俊彥自從中年來人事攻百箭

非惟職有憂亦自老可嘆形骸苦衰病心志亦退慢

前時可喜事明眼不欲見惟尋舊讀書簡牘多朽斷

古人重溫故官事幸有閒乃知讀書勤其樂固無限

少而干祿利老用忘憂思又知物貴久至寶見百鍊

紛華暫時好俯仰浮雲散淡泊味愈長始知終殊不變

何時及殘骸萬一免罪歸買書載舟歸築室賴水岸

平生頗論述銓次加點竄庶幾垂後世不致死為棄

信哉讀書能鍊子語非誦

咸平讀書堂

陳師道

昔人三百篇善世已有餘後生守章句不足供嘔喘

一登吏部選筆硯隨掃除閉閣讀書眉嫌隔屋聞歌呼

奉公用漢律軍復要詩書倪首出跨下枉此七尺軀

今代陶朱公不作大聚屠計然得未用意得輕全吳

為邦得錢將政密自計疎軍書下下考不奉命急符

用意薄領外築室課典漢平生五千卷還舍不問途

舊事更漢唐稍以詩自娛復作無事飲醉臥擁青奴

桃李春事繁軒窗盡景舒鳴屋鳴雨窺簾燕喃雜

休吏散篇帙風草獻筆筆所然一啓齒斯民免為魚

題漢書堂

周惇頤

元子深曰讀詩傳到今此俗良易化不欺願相親

廬山我所愛買田山之陰田間有清水清流出山心

山心無塵土白石照沈沈潺湲來數里到此始澄深

書堂構其上隱几看雲來倚梧或欹枕風月盈中襟

有時吟復默酒醒鳴幽琴數十黃卷軸聖賢談無音

隱前即嶠園園外桑麻林芋蔬可卒歲絹布足衣食

吾樂蓋易足名譽以自謙誰為相期暮岸木寒蕭森

李氏讀書齋

韓駒

欲樂詎凡夫須臾皆變壞惟書有真樂意味久猶在

李君名家流事業窺前蹤蕭然無他娛隱卷與心會

憶我重雅時書亦甚所愛傳抄春復秋誦誦盡連勝

飲食忘辛鹹汗垢失鹽賴爾來歡喜處乃在文字外

卷藏二萬籤某凡許相對此君樂未却在言勿吾怪

解江歸舟中讀書

張杖

南風隔小窗山浮如沐吾歸及新涼所歷慰心目

輒制柔櫓鳴臥見山起伏推枕意悠然還取我書讀

平生領解處于焉更三復老矣百念疎但欲斯境熟

向來五湖遊目力半吏腰小丁官事終覺愧得獨

世路自險夷人情費追逐翻翻孤飛翼思陰發林麓

秋夜讀書

黃大受

青燈散虛堂微風動衣襟兀坐耽塵編起視星河沈

古人豈可見所希見其心終然發未歎不寐鳴林琴

東觀漢記未見書

黃庭堅

漢規臺王府東觀近宸居詔許無雙士來觀未見書

皇文閣萬卷家學隨三餘竹帛森延閣星辰繞直廬

諸生起孤曉天子自吹簫願以多聞力論思補帝裾

讀書

陸游

面骨呼喚欲欲遠藏只合臥蟬虛自嫌尙有人問

意射雉歸來夜讀書

朱熹

牛臥方塘一盤開天光雲影共徘徊同渠那得清如

許爲有源頭活水來
昨夜江邊春水生
策衝巨壘一毛輕
向來枉費推移力
此日中流自在行

書聲齋

元郭翼

幽人一室開風露
坐想瀛洲玉爲君
把書夜誦秋滿空
徘徊花影蟾蜍樹
蓮葉艇子風冷冷
太乙下照紫火清
笙簫耳洗不醒
夢哉太音誰得聽

看書

舒頤

一日不看書此心若有失
看書心未已細字費目力
六經皆糟粕中有味如蜜
古來聖賢孜孜復汲汲
流傳百世下相見不相識
今人不如古古人豈今日
時還有我書無卷三歎息

張燕公讀書堂

劉因

陰壁下寒泉陽崖隱深洞
想像張幽州當年此茲誦
遐情納方寸瀟灑驚宵夢
既有真積功豈無致時用
不然起絕學宿當垂後統
清濟唐開元儒臣相伯仲
文雖數燕許名不並姚宋
遂令百世下烟霞抱餘痛
尋幽縱步食懷古清歌送
緬思白鹿翁眼中見蓮柳
茲山有道氣會遇或天縱
聊以詠今朝白雲不可種

山中讀書圖

陳高

遠山如藍近山綠
前門蒼松後門竹
幽人讀書樓石根
有客登舟訪溪曲
白雲冉冉落虛懸
清風冷冷散飛瀑
林泉深處隔紅塵
便欲相依結茅屋

袁寅亮讀書深山萬木之中以避暑
暑之願爲賦

長句因次韻以寄

郭钰

舞向陰崖結構牢
一時文采擅風騷
雲間客見疑猶淺
山下人行望始高
蒼樹舉巢鸞鶴翠
藤結蔓挂

五八司事集

猿猴遙知高臥多標致
何問長齋伐骨毛洗耳未應
徒見許猿眉但恐不客陶山僧
進謁多題竹野老相過或獻桃
得窺舊陳存故事棘闥遠備遠
周還整平巖僻安書齋掃集松
花釀酒醺醉後賦詩題石壁典
來送客過江皋蘇門傲睨惟開
笑康樂登臨豈憚勞雨霽傍松
延祥易晚涼疏水灌葡萄明使
者求顏闔只此山中不用逃

送沈孝廉讀書天屏山

張羽

秋空雨洗千芙蓉
蒼樹遶谷攢青紅
曉我欲遊不可得
子往學業茲山中
念子出身自執紼
秀如青松苗萬蓬
十年奔走走銀毛
翻黃金散盡家已空
懷中一經不敢棄
舍此將恐爲昏聩
求書上堂告父母
雲深獨往無復懷
林僧谷吏頗驚客
竟茶檮飯意甚忠
身閒畫靜百事絕
經史左右相研攻
巡須跨海踏鯨背
且莫瑣屑羨魚蟲
車良路端期不止
跬步自可升華嵩
學成靜俟時自至
譬彼力穡遺年豐
朝廷懸爵待奇簡
擬取五鼎烹三公
古來孝弟神所相
未必使子贏其躬
變予少學壯愈情
聰明日損髮已翁
世間有書未盡讀
安得返老還爲童
跋龍那由追駭耳
贈子以策情何窮
倘有新知遠相教
爲我絳奇東飛鴻

讀書自感

明胡居仁

頻復多由志不強
七情勝處失閑防
身心自覺沈淪久
蓋讀顏淵好學章

嘆古人讀書二首

前人

聖賢文字傳千載
不遇程朱怎奈何
刺股懸梁苦志其如一教得功多
刺股懸梁枉自動
豈知心在檢其身
只因未遇程夫

理學從編學行典第九十五卷讀書部

子苦殺當年多少人

讀書二首

馮從吾

切已工夫只恨少
會心言語豈須多
而今識得斷輪意
甘苦疾徐奈若何
輕言能悟即非悟
漫道無疑便是疑
終夜伊吾渾不寐
清風明月坐來時

勉仕男讀書

楊爵

長路頻來往空將歲月虛
百爲趙俗應一步到天初
只使心無靈何須食有魚
燕山一尺屋可讀五車書

送友虞山讀書

吳繼讓

西郊讀書夜露達無所營
微雨竹間來忽聽倉庚鳴
吾友虞山去執手傷別情
朱樹榮還潤朗月流前楹
且傾一樽酒過計世上名
別後誰笑傲古閣披縱橫

欽定古今圖書集成理學彙編學行典

第九十六卷目錄

讀書部紀事

讀書部雜錄

讀書部外編

學行典第九十六卷

讀書部紀事

國語文公學讀書于白季三日曰吾不能行也咫聞則多矣對曰然而多聞以待能者不猶愈乎

莊子天道篇桓公讀書于堂上輪扁斲輪于堂下釋椎鑿而上問桓公曰敢問公之所讀者何言耶桓公曰聖人之言也曰聖人在乎公曰已死矣曰然則君之所讀者古人之糟粕已夫桓公曰寡人讀書輪人安得譏乎有說則可無說則死輪扁曰以臣之事觀之斲輪徐則甘而不固疾則苦而不入不徐不疾得之于心而應之于手口不能言有數存焉于其間臣不能以喻臣之子臣之子亦不能受之于臣是以行年七十而老斲輪古之人與其不可傳也死矣然則君之所讀者古人之糟粕已夫

新序楚成王讀書於殿上而輪扁在下作而問曰未審主君所讀何書也成王曰先聖之書輪扁曰此真先聖王之糟粕耳非美者也成王曰子何以言之輪扁曰以臣輪言之夫以規爲圓矩爲方此其可付乎

子孫者也若夫合三木而爲一應乎心動乎體其不可得而傳者也以爲所傳真糟粕耳故唐虞之法可得而改也其喻人心不可及矣詩曰上天之載無聲無臭其孰能及之

史記孔子世家孔子晚而喜易序彖繫象說卦文言讀易章句三絕曰假我數年若是我於易則彬彬矣戰國策蘇秦去秦而歸蘇秦厲說秦書據秦形容枯槁面目黧黑狀有愧色歸至家妻不下紆嫂不爲炊父母不與言蘇秦喟然嘆曰妻不以我爲夫嫂不以我爲叔父母不以我爲子皆是皆秦之罪也乃夜發書陳篋數十得太公陰符之謀伏而誦之簡牘以爲揣摩讀書欲睡引錐自刺其股血流至足曰安有說人主不能出其金玉錦繡取卿相之尊者乎期年揣摩成曰此真可以說當世之君矣

史記韋賢傳賢魯人也以讀書術爲吏後爲丞相祁吉傳吉魯國人也以讀書好法令至御史大夫韋元成傳元成韋丞相子也代父後失列侯其人少時好讀書明于詩論語爲吏至衛尉徙爲太子太傅黃霸傳霸淮陽人以讀書爲吏至潁川太守治潁川以禮義條教檢告化之犯法者風曉令自殺化大行名聲聞

鄒生傳鄒生食其者陳留高陽人也好讀書家貧落魄無以爲衣食業爲里監門吏然縣中賢豪不敢役縣中皆謂之狂生

劉客傳荆卿好讀書擊劍

陳平傳平陽武戶鄉鄰人也少時家貧好讀書有田三十畝獨與兄伯居伯常耕田縱平使游學

匡衡傳衡東海人好讀書從博士受詩家貧衡傳作以給食飲

西京雜記匡衡字稚圭勤學而無燭鄰舍有燭而不達衡乃穿壁引其光以書映光而讀之邑人大姓文不識家富多書衡乃與其傭作而不求償主人怪問衡衡曰願得主人書遍讀之主人感嘆資給以書遂成大學衡能說詩時人爲之語曰無說詩匡鼎來匡說詩解人頤鼎衡小名也時人畏服之如是聞者皆解頤歎笑邑人有言詩者衡從之與語質疑邑人挫服倒屣而去衡追之曰先生聞聽更理前論邑人曰窮矣遂去不返

漢書董仲舒傳仲舒孝景時爲博士下帷講誦弟子傳以久次相授業或莫見其面蓋三年不窺園其精如此

兒寬傳寬治尚書事歐陽生以郡國選詣博士受業孔安國貧無資用書爲弟子都養時行貨作帶經而鉏休息輒讀誦其精如此

朱買臣傳買臣家貧好讀書不治產業常艾薪樵賣以給食擔束薪行且誦書其妻亦負戴相隨數止買臣毋歌嘔道中買臣愈益疾歌

洞冥記郭瓊東郡人也形貌醜劣而意度過人會宿人家輒乞薪自照讀書晝夜眼不閉行地無迷帝聞其異徵焉

董謁字仲元武都郿人也少好學嘗遊山澤負挾圖書思其策重家貧拾樹葉以代書簡言其易怨懷也編荆爲牀聚鳥獸毛以殿其上

後漢書朱穆傳穆耽學銳意講誦或時思至不自知

忘失衣冠顯聖阮岸其父常以爲事愚殘不知數馬足穩愈更精焉

戴封傳封字平仲濟北剛人也年十五詣太學師事東海申君申君卒送喪到東海道當經其家父母以封當還預爲娶妻封暫過拜親不宿而去還京師卒業

列女傳樂羊子遠學來歸妻跪問其故羊子曰久行懷思無他異也妻乃引刀趨機而言曰此織生自蠶繭成於機杼一絲而累以至於寸累寸不已遂成丈匹今若斷斯織也則損失成功積廢時日夫子積學當日知其所亡以就懿德若中道而歸何異斷斯織乎羊子感其言復還終業七年不返

後漢書包咸傳咸字子良會稽曲阿人也少爲諸生受業長安師事博士右師細君習傳詩論語王莽末去歸鄉里於東海界爲赤眉賊所得遂見拘執十餘日咸晨夜誦經自若賊異而遣之

相榮傳榮字春卿沛郡龍亢人也少學長安習歐陽尙書博士九江朱普貧實無資常客傭以自給精力不倦十五年不覩家園

王充傳充字仲任會稽上虞人家貧無書常游洛陽市肆閱所賣書一見即能誦憶遂博通衆流百家之言

杜林傳林字伯山扶風茂陵人也少好學沈深家既多書又外氏張疎父子喜文采林從疎受學博洽多聞時稱通儒

荀悅傳悅字仲豫儉之子也家貧無書每之人閒所見篇牘一覽多能記誦

賈復傳復字君文南陽冠軍人也少好學習尙書事舞陰李生李生奇之謂門人曰賈君之容貌志氣如此而勤於學將相之器也

承官傳官字少子鄉郡姑幕人也少孤年八歲爲人牧家鄉里徐子盛者以春秋經授諸生數百人官過息廬下業其業因就聽經請送開門下爲諸生拾薪執苦數年勤學不倦

孔融傳融領青州刺史建安元年爲袁譚所攻流矢雨集戈子內接融膝几讀書談笑自若侯瑾傳瑾字子瑜汝煌人也少孤貧依宗人居性爲學恆備作爲資焉還輒焚柴以讀書

高鳳傳鳳字文通南陽葉人也少爲書生家以農畝爲業而專精誦讀晝夜不怠妻嘗之田曝麥于庭令鳳護雞時天暴雨而鳳持竿誦經不覺潦水流麥妻還怪問鳳方悟之

邊韶傳韶教授數百人晝日假臥弟子私嘲之曰邊孝先腹便便懶讀書但欲眠韶潛聞之應時對曰邊爲姓孝先字腹便便五經習但欲眠思經事寐與周公通夢靜與孔子同意師而可嘲出何典記

黃香傳肅宗詔香詣東觀讀所未書見香及千乘王冠帝會中山邸乃詔香殿下顧謂諸王曰此天下無雙江夏黃童者也左右莫不改觀

景仰傳景管寧少與華歆同席讀書門外有乘軒者過歆棄書遽往觀之寧恥之而割席曰子非吾友也魏明帝安車蒲輪東帛加璧聘之寧不受家貧好學一藁林五十年當膝處皆穿

虞喜志林孫休悅意于典籍欲畢覽百家之言大好

射雉春夏之間常農出夜還唯此時拾書

梓潼士女志李仁字德賢涪人也益部多貴今文而不崇章句仁知其不博乃遊學荆州從司馬德操宋仲子受古學以修文自終

英雄記鈔諸葛亮在荆州以建安初與顧川石廣元徐元直汝南孟公威等俱游學三人務于精熟而亮獨觀其大略

袁遺字修業爲揚州刺史爲袁術所敗太祖稱長大而能勤學者惟吾與袁伯業耳

三國志呂蒙傳註江表傳曰初孫權謂蒙及蔣欽曰卿今並當塗軍事宜學問以自開益蒙曰在軍中當苦多務恐不容復讀書權曰孤豈欲卿治經爲博士邪但當令涉獵見往事耳卿言多務孰若孤孤少時歷詩書禮記左傳國語惟不讀易至統事以來省三史諸家兵書自以爲大有所益知卿二人意性朗悟學必得之軍當不爲乎宜急讀孫子六韜左傳國語及三史孔子言終日不食終夜不寢以思無益不如學也尤武當兵馬之務手不釋卷孟德亦自謂老而好學卿何獨不自勉勵耶蒙始就學爲志不倦其所覽見舊儒不勝後魯肅上代周瑜過蒙言議常欲受屈肅拊蒙背曰吾謂大弟但有武略耳至于今日者學業英博非復吳下阿蒙蒙曰士別三日即更刮目相待大兄今論何一稱穉侯乎兄今代公瑾既難爲繼且與關羽爲鄰斯人長而好學讀左傳略皆上口

便亮有雄氣然性頗自負好陵人今與爲對當有草復以卿待之密爲肅陳三策肅敬受之祕而不宣復常歎曰人長而進益如呂蒙將欲益不可及也富貴

榮顯更能折節好學耽悅書傳輕財尚義所行可述
並作國士不亦休乎

芸鵬私志呂蒙讀書開西館以延傑髦共相挖揚識
見日進孫權益重之今西館橋是也

三國志向則明少時雖涉獵文學然不治素檢以
吏能見稱自去長史優游無事垂三十年乃更潛心
典籍孜孜不倦年踰八十猶手自校書刊定謬誤積
聚篇卷於時最多開門接賓誘納後進但講論古義
不干時事以是見稱上自執政下及童冠皆敬重焉
任城威王彰傳彰字子文少善射臂力過人手格
猛獸不避險阻數從征伐志意慷慨太祖常抑之曰
汝不念讀書慕聖道而好乘汗馬擊劍此一夫之用
何足貴也諫彰讀書彰謂左右曰丈夫一為衛霍
將十萬騎馳沙漠驅戎寇立功建號耳何能作博士
邪

孫原傳註原別傳曰原十一而喪父家貧早孤鄰有
書舍原過其旁而泣師問曰童子何悲原曰孤者易
傷貧者易感夫書者必皆具有父兄者一則羨其不
孤二則羨其得學心中惻然而為流涕也師亦哀原
之言而為之泣曰欲書可耳答曰無錢資師曰童子
苟有志我徒相教不求資也於是遂就書一冬之間
誦孝經論語

關澤傳澤字德潤會稽山陰人也家世農夫至澤好
學居貧無資常為人傭書以供紙筆所寫既畢誦讀
亦遍追思論講究覽尋常通曆數由是顯名

中山恭王褒傳褒建安二十一年封平鄉侯少好學
年十餘歲能屬文每讀書左右常以精力為病數諫

止之然性所樂不能廢也

晉書安平獻王孚傳孚溫厚廉讓博涉經史漢末喪
亂典兄弟處危亡之中中食飢飢而披閱不倦

皇甫謐傳謐耽玩典籍忘寢與食時人謂之書淫或
有虞其過焉將損耗精神謐曰朝聞道夕死可矣况
命之修短分定懸天乎

劉喬傳喬字提提子耽耽子柳柳字叔惠亦有名譽
少登清官歷尚書左右僕射時右丞傅迪好廣讀書

而不解其義柳唯讀老子而已迪每輕之柳云卿讀
書雖多而無所解可謂書痴矣時人重其言

車引傳引恭勤不儉博學多通家食不常得油夏月
則練囊盛數十螢火以照書以夜繼日焉

范宣傳宣雖閑居屢空常以讀誦為業謙讓遠等
皆聞風宗仰自遠而至誦誦之聲有若齊魯太元中

順陽范甯為豫章太守甯亦儒博通經在郡立學校
教授恆數百人由是江州人士並好經學化二范之
風也

王歆傳歆字君厚樂陵人也安貧樂道專精耽學不
營產業常可食誦詩雖家無斗儲意怡如也其妻患

之或焚毀其書而求改嫁歆笑而謂之曰卿不聞朱
買臣妻耶時聞者多哂之歆守志彌固遂為通儒

范汪傳汪年十三喪母居喪盡禮親鄰哀之及長好
學外氏家貧無以資給汪乃廬于園中布衣蔬食然

新寫書寫畢誦讀亦遍遂博學多通善談名理
劉寔傳寔字子真少貧苦賣牛衣以自給然好學手

約繩口誦書博通古今清身潔已行無瑕玷
寔弟智字子房貞素有兄風少貧實每負薪自給讀

福不輟竟以儒行稱歷中書黃門吏部郎出為潁川
太守平原督轡嘗謂人曰吾與劉頌川兄弟語使人

神思清發昏不假寐自此之外殆白日欲寢矣
祖逖傳逖年十四五猶未知書諸兄每憂之然輕財

好俠慷慨有節尚每至田舍輒解兄意散穀帛以賑
貧乏鄉黨宗族以是重之後乃博覽書記涉古今

往來京師見者謂逖有贊世才具
石勒載記勒雅好文學雖在軍旅常令儒生讀史書

而聽之每以其意論古帝王善惡朝賢儒士聽者莫
不歸美焉嘗使人讀漢書聞鄧食共勸立六國後大

驚曰此法當失何得遂成天下至重侯諫乃曰賴有
此耳其天資英達如此

祈嘉傳嘉字孔實酒泉人也少清貧好學年二十餘
夜忽忽中有聲呼曰祈孔實祈孔實隱去來隱去來

修飾人世甚苦不可諸所得未毛錄所畏如山崖旦
而逃去西至敦煌依學官讀書貧無衣食為書生都

養以自給遂博通經傳精究大義
徐苗傳苗少家貧囊糗未夜則吟誦

拾遺記任末年十四時學無常師貧窶不遺餘阻每
言人而不學則何以成或依林木之下樞茅為葦削

荆為筆剋樹汁為墨夜則映星望月暗則練麻蒿以
自照觀書有合意者題其衣裳以記其事門徒悅其

勤學更以淨衣易之
魏春秋王遇性質訥而好學與平中關中擾亂與兄

季中依將軍段熲熲采稻負販而常挾持經書投閒習
讀其兄笑之而遇不改

元晏春秋十七年予長七尺四寸未週史書與從姑

古今圖書集成

子榮卿等或編荆為楠桃杖為子分陳相刺有若習
兵母數誦予予出得瓜果歸以進母母投諸地曰孝
經稱日用三牲之養猶為不孝夫孝者莫大于欣親
今爾年近三十志不存教心不入道曾無休惕少
慰我心修身為學爾自得之予我何有因對予流涕
予心少感遂伏史書

桂苑叢談崔英年九歲在秦王符堅宮內讀書堅殿
上方臥階生皆趨英獨緩步怪而問之英曰陛下如
慈父非榮紆君何用畏乎又問卿讀何書曰孝經堅
曰有何義曰在上不驕聖為之起更問有何義曰自
天子至于庶人章上愛下敬上聖曰卿好待十七
必用卿為大夫英曰日月可重見陛下至尊不可再
觀洪恩士或可用則用何在後期堅曰須待十七必
名卿也及期拜諫議大夫

宋書沈攸之傳攸之晚好讀書手不釋卷史漢事多
所諳憶常嘆曰早知窮達有命恨不十年讀書
南齊書顧歡傳歡字景怡吳郡鹽官人歡年六七歲
父使驅田中雀歡作黃雀賦而歸悅舍遇半父怒欲
鞭之見賦乃止鄉中有學舍歡貧無以受業于舍壁
後倚聽無遺亡者八歲誦孝經詩論及長篤志好學
母年老躬耕讀書夜則然糠自照同郡顧頡之臨縣
見而吳之遺諸子與遊及孫慮之並受經句

徐伯珍傳伯珍字文楚東陽太末人也少孤貧書竹
葉及地學書山水舉出漂溺宅令村鄰皆奔走伯珍
累牀而止讀書不輟

江泌傳泌字士清濟陽考城人也少貧晝日斫扉夜
讀書隨月光握卷升屋

沈麟士傳麟士字雲禎吳興武康人也少好學家貧
繼母讀書口手不怠

梁書韋肅傳肅族弟愛為志好學每虛室獨坐遊心
墳索而應埃滿席寂若無人年十二嘗遊京師值天
子出遊南苑邑里誼譚老幼爭觀愛獨端坐讀書手
不釋卷宗族見者莫不異焉

劉峻傳峻字孝標平原人八歲為人所略至中山更
徙之桑乾峻好學家貧寄人廬下自課讀書常燈麻
炬從夕達旦時或昏睡輒其髮既覺復讀終夜不寐
其精力如此齊永明中從桑乾得還自謂所見不博
更求異書聞京師有者必往所借河內崔暹祖謂之
書淫

沈約傳約字休文吳興武康人也父瑛淮南太守元
嘉末被誅約幼潛竄會赦免既而流寓孤貧篤志好
學晝夜不倦母恐其以勞生疾常遺減減減火而晝
之所讀夜輒誦之遂博通羣籍

張懷瓘傳懷瓘字元緒有書萬餘卷晝夜披讀殆不輟
手秘書郎有四員宋齊以來為甲族起家之選待次
入補其居職數百日便遷任積固求不徙欲還
觀閣內圖書書執四部書目曰若讀此畢乃可言優
仕矣如此數載方還太子舍人

沈峻傳峻字士嵩吳興武康人家世農夫至峻好學
與舅太史叔明師事宗人沈麟士門下積年晝夜自
課時或睡寐輒以杖自擊其篤志如此

范雲傳雲年八歲遇宋豫州刺史殷琰于塗琰異之
要就席雲風姿應對旁若無人琰令賦詩採筆便就
坐者數篇雲就親人袁照學書一夜不怠照撫其背

理學彙編學行典第九十六卷讀書部

日卿精神秀朗而動于學卿相才也

陳書馬樞傳樞博極經史尤善佛經及周易老子義
梁邵陵王綸為南徐州刺史素聞其名引為學士綸
時自譚大品經令樞講維摩老子周易同日發題道
俗聽者二千人王欲極觀優劣乃謂衆曰與馬學士
論義必使屈伏不得空立主客於是數家學者各起
問樞樞乃依大剎判開其宗旨然後支分流別轉變
無窮論者拱默聽受而已給其嘉之將引歸于朝廷
尋遇侯景之亂給車兵援臺乃面書二萬卷以付樞
樞肆志尋覽始將周遍乃喟然嘆曰吾聞貴爵位者
以果由為桎梏愛山林者以伊呂為管庫東名實則
弊不柱下之言玩清虛則縻輶席上之說稽之篤論
亦各從其好也然支父有讓王之介賤子有微帝之
規千載美談所不廢也比求志之士望塗而息豈天
之不惠高尚何山林之無聞甚乎乃隱于茅山有終
焉之志

南史任孝恭傳孝恭精力勤學家貧無書常時從
人假借每讀一過輒誦略無所遺

丘靈鞠傳靈鞠從孫仲孚少好學讀書常以中宵爐
鳴為限靈鞠嘗稱爲千里駒也

孔子祜傳子祜少孤貧好學耕樵樵常讀書自隨
投閒則誦讀動苦自勵遂通經術

撫言徐商相公於中條山寺讀書隨僧洗鉢

魏書劉芳傳芳字伯文彭城人也父德劉駿兖州長
史芳出後伯父遜之遜之劉駿東平太守也邑同劉
義宣之事身死彭城芳隨伯母房逃還冀州會赦免
芳母子入梁鄴城時年十六南部尚書李數妻司徒

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

崔浩之弟女芳祖母浩之姑芳至京師詣數門崔恥芳流播拒之不見芳雖處窮窘之中而榮尚貞困聰敏過人篤志墳典盡則備書以自資給夜則讀誦終夕不寢至有易衣併日之飯而澹然自守不汲汲於榮利不感感於賤貧乃著窮通論以自慰焉

李琰之傳琰之少機警善談經史百家無所不覽朝廷疑事多所訪質每云崔博而不精劉精而不博我既精且博學兼二子謂崔光劉芳也論者許其博未許其精當時物議咸共宗之又自誇文章從姨兄常景笑而不許每休閑之際恆閉門讀書不交人事嘗謂人曰吾所以好讀書不求身後之名但異見異聞心之所願是以孜孜搜討欲罷不能豈爲聲名勞七尺也此乃天性非爲力強前後再居史職無所編緝安豐王延明博聞多識每有疑滯恆就琰之辨析自以爲不及也

祖瑩傳瑩年八歲能誦詩書十二爲中書學生好學航書以晝繼夜父母恐其成疾禁之不能止常密于夾中藏火驅逐僅僕父母寢睡之後然火讀書以衣被蔽塞慮戶恐漏光明爲家人所覺由是聲譽甚盛內外親屬呼爲聖小兒尤好屬文中書監高允每嘆曰此子才器非諸生所及終當達至時中書博士張天龍譚尚書選爲都講生徒悉集堂夜讀書勞倦不覺天龍催講既切遂誤持同房生趙郡李孝怡曲禮卷上座博士嚴毅不敢逗取乃置禮於前誦尚書三篇不遺一字講罷孝怡異之向博士說舉學童數後高祖聞之召入令誦五經章句并陳大義帝嗟賞之瑩出後高祖戲盧昶曰昔流共工於幽州北裔之地

那得忽有此子起對曰當是才爲世生

劉勰傳李勰以病爲撫育護軍雖有政務手不釋卷晝日卿注記篇籍以燭繼晷白日且然夜可休息病日朝聞道夕死可矣不知老之將至孔聖稱焉病何人斯敢不如此

刁冲傳冲字文朗渤海饒安人也十三而孤孝慕過人祖母哀其早孤撫養尤篤冲免喪後便志學他方雖家世貴遠及從師於外自同諸生于時學制諸生悉日直監厨冲雖有僕隸不令代己身自炊爨每師授之際發志精專不捨晝夜殆忘寒暑學通諸經編修鄧說陰陽圖緯算數天文風氣之書莫不關綜當世服其精博

傅永傳永字修期清河人也幼隨叔父洪仲與張幸自青州入國尋復南奔有氣幹學勇過人能手執較橋倒立馳騁年二十餘有友人與之書而不能答請於洪仲洪仲深讓之而不爲報永乃發憤讀書涉獵經史兼有才筆

濟陰王小新成傳新成子彌彌子驥業少險薄多與寇盜交通長乃變節涉于史亦頗屬文而慷慨有志節齊文襄嘗問之曰比何所披覽對曰數尋伊霍之傳不讀曹馬之書

北齊書魏收傳收字伯起小字佛助年十五頗已屬文及隨父赴邊好騎射欲以武藝自達梁陽鄭伯調之曰魏郎弄戟多少收遂折節讀書夏月坐板牀隨樹陰誦讀年牀版爲之銳減而精力不輟以文華顯

樊遜傳遜少學常爲兄仲優饒既而自責曰名爲人

弟獨受安逸可不愧于心乎欲同勤事業母馮氏謂之曰汝欲謙小行耶遜感母言遂專心典籍恆書壁作見賢思齊四字以自勸勉

周書呂思禮傳思禮好學有文才雖務兼軍國而手不釋卷盡理政事夜則讀書令蒼頭執燭燭燭夜有數升

樊深傳深性好學老而不怠朝暮還往常據鞍讀書至馬驚墜地損折支體終亦不改

薛慎傳慎字佛護好學能屬文太祖于諸生簡德行淳懿者侍太祖讀書慎與李泰及隴西李伯良辛詔武功蘇衡陳郡夏侯裕安定梁竦梁禮河南長孫瑋河東裴舉薛同榮陽鄭朝等十二人並應其選又以慎爲學師以知諸生課業

北史楊大眼傳大眼雖不學恆遣人讀書而坐聽之悉皆記識今作露布皆口授之而竟不多識字也

盧思道傳思道字子行年十六過中山劉松松爲人作碑銘以示思道思道讀之多所不解於是展讀閉戶讀書師事河間邢子才後思道復爲文以示劉松松又不能甚解思道乃喟然嘆曰學之有益豈徒然哉因就魏收借吳書數年之間才學兼著

瑯琊記謝靈運傳靈運平生不嗜書獨愛沈約集行立坐臥靡不誦誦誦誦誦誦曰沈郎書真可祇耶謝靈以爲未足尊崇沈遂獨撰一室四壁爲沈詩案頭席上寫作小卷及冊子甚夥不復雜一他書大書於額曰沈郎書室

田居乙記陶弘景讀書萬卷一事不知深以爲恥桂陽嚴詞志讀書嚴在獨秀峯下直立靜治後爲桂

古今圖書集成

記事孫干授幼時家以綠真珠勝為廉揮授讀書數真珠以記日輒一過

五代史龔建傳建初不知書乃使人題其所服器皿以類求之何所不得也因以通音韻聲偶暇則課學書史是時天下已亂諸鎮皆武夫獨建撫兵民又好事

遼史耶律良傳良字習懋小字燕著帳郎君之後生於乾州讀書歷平閣山學既博將入南山肄業友人止之曰爾無俟御驅馳千里縱聞見過人年亦垂暮今若即仕已有餘地良曰窮通命也非爾所知不聽留數年而歸

室昉傳昉字夢奇南京人幼謹厚篤學不出戶外者二十年雖里人莫識其精如此

宋史太祖本紀蜀平蜀官人入內帝見其貌背有志乾德四年鑄者召實儀等詰之儀對曰此必蜀物蜀主嘗有此號乃大喜曰作相須讀書人

王登清話太祖嘗讀趙普曰卿苦不讀書今文臣角立簡輒高踞卿得無愧乎普由是手不釋卷太祖亦自是廣閱經史

宋史李瓊傳瓊與周祖等十人約為兄弟祖與瓊情好尤密書造瓊見其危坐讀書因問所讀何書瓊曰此關外春秋所謂以正守國以奇用兵較存亡治亂

記賢愚成敗皆在此也周祖令讀之謂瓊曰兄當教我白是周祖出入常袖以自隨偶暇輒讀每問難瓊瓊為師

李穀傳穀字惟珍汝陰人身長八尺容貌魁偉少勇

力善射以任俠為事頗為鄉人所困發憤從學所覽如宿習年二十七舉進士

張去華傳去華字信臣開封襄邑人父諱字希買好學不事產業既孤諸父使督耕隴上他日往視之見閑書于樹下怒其不親穡事詈辱之諱謂其兄曰若不就學於外素志無成矣遂潛詣洛陽龍門書院與宗人沈慶湜結友故各聞都下

呂端傳端字易直遷考功員外郎兼侍御史使高麗暴風折楫舟人怖恐端讀書若在齋閣時

范純仁傳胡瑗孫復石介李觀之徒純仁皆與從游晝夜肄業至夜分不寢置燈帳中帳頂如墨色

寇準傳初張詠在成都開導人相謂其僚屬曰寇公奇材惜學術不足爾及準出陝詠適自成都罷還準嚴供帳大為具待詠將去準送之郊問曰何以教準詠徐曰霍光傳不可不讀也準莫論其意歸取其傳讀之至不學無術笑曰此張公謂我矣

陳彭年傳彭年字永年撫州南城人幼好學母惟一子愛之禁其夜讀書彭年簞燈密室不令母知

成同文傳同文楚丘人聞邑人楊慈教授生徒日過其學舍因授禮記隨即成編日贏一卷慈異而留之不終成畢誦五經慈即妻以女慈自是彌益勵勵讀書累年不解帶

陸佃傳佃字農師越州山陰人居貧苦學夜無燈映月光讀書隣族從師不遠千里過金陵受經于王安石

劉恕傳恕為學自磨數地理官職族姓至前代公府案牘皆取以審證求書不遠數百里身就之讀且抄

殆忘寢食借司馬光遊萬安山道旁有碑讀之乃五代列將人所不知名者恕能言其行事始終歸驗實史信然未大知也亳州來多書恕狂道僧覽大道日具儀為主人禮恕曰此非吾所為來也殊廢吾事悉去之獨閉窗晝夜口誦手抄旬日盡其書而去目為之駭

劉勉之傳勉之字致中建州崇安人自幼過學日誦數千言論冠以鄉舉南太學時蔡京用事禁士毋得挾元祐舊自是伊洛之學不行勉之求得其書每深夜同舍生皆寐乃潛抄而默讀之議定至京師勉之聞其從程頤遊遂師事之已而厭科舉棄諸生歸見劉安世楊時皆請業焉及至家即邑近郊結草為堂讀書其中力耕自給蕭然無求於世

張洽傳洽字元德臨江之清江人父經舉進士洽少穎異從朱熹學自六經傳註而下皆究其指歸至於諸史百家山經地志老子浮屠之說無所不讀書取管子所謂思之思之又重思之思之不通鬼神將通之之語以為窮理之要意嘉其志謂黃幹曰所望以求斯道之傳如二三君者不數人也

杜常傳常字正甫衡州人昭憲皇后族孫也折節學問無虛里氣習常跨驢讀書驢嘶草失道不之覺觸桑木而墮額為之傷

楊泰之傳泰之字叔正眉州青神人少立志于學臥不設榻幾十歲

王顯傳顯字德明開封人太宗授樞密使顯之曰卿世家本儒少遭亂失學今典辰機務無暇博覽羣書能熟單或三篇亦可免於面詰矣因取是書賜之

學行典

任布傳布字應之河南人力學家貧嘗從人借書以讀進士及第後以太子少保致仕
胡松年傳松年字茂老海州懷仁人幼孤貧母常機織資給使學讀書過目不忘尤選於易
王夫翁傳夫翁字慶會濟南人聚徒授業齊魯多從遊者入太學貧甚夜持書就旁舍借燈讀之
鄭樵傳樵字漁仲興化軍莆田人好著書不為文章自負不下劉向揚雄居夾溪山謝絕人事久之乃游名山大川搜奇訪古遇藏書家必借留讀盡乃去
張方平傳方平字安道南京人少穎悟絕倫家貧無書從人假三史旬日即歸之曰吾已得其詳矣凡書皆一閱不再讀宋綬蔡齊以為天下奇才
李岐傳岐字伯熙黎陽人少苦學隆暑讀書置足于水雖得疾不舍去
謝深甫傳深甫字子肅台州臨海人少穎悟刻志為學積數年不寐夕則置餅水加足於上以警困怠父景之識為遠器臨終語其妻曰是兒當大吾門善訓迪之母攻苦守志督深甫力學中乾道二年進士
汪應辰傳應辰字聖錫信州王山人幼疑重異常童五歲知讀書屬對應聲語驚人多識奇字家貧無膏油每拾薪蘇以繼晷從人借書一經目不忘
何涉傳涉父祖皆業農涉始讀書晝夜刻苦凡覽博古上自六經諸子百家旁及山經地志醫卜之術無所不學一過目不復再讀而終身不忘人問書傳中事必指卷第冊葉所在驗之果然
張敬傳敬少喜談兵謁范仲淹一見知其遠器乃警之日儒者自有名教可樂何事於兵因勸讀中庸載

讀其書猶以為未足又訪諸釋老累年究極其說知無所得反而求之六經
尹焞傳焞字彥明河南人少穎悟不從則以兵惡之焞自商州奔蜀至閬得程頤易傳紹興二年止于涪涪頤讀易地也關二畏齊以居
胡旦傳旦喜讀書既明猶令人誦經史隱几聽之不少輟
楊萬里傳時張浚謫未杜門謝客萬里三往不得見以書力請始見之浚勉以正心誠意之學萬里服其教終身追名讀書之室曰誠齋
蔡元定傳元定既長辨析益精登西山絕頂忍飢啖齋讀書
李道傳傳道傳自蜀來東南雖不及登朱熹之門而訪求所書從學者與講習盡得遺書讀之篤于踐履氣節卓然
邵雍傳雍少時自雄其才慷慨欲樹功名于書無所不讀始為學即堅苦刻勵寒不爐暑不扇夜不就枕席者數年
黃庭堅傳庭堅幼警悟讀書數過輒成誦舅李常過其家取架上書問無不通常驚以為一日千里
田敏傳敏書使湖南路由荆渚以印本經書還高從誨從誨謝曰祭酒所遺經書僕但能識孝經耳敏曰讀書不必多十八章足矣
歐陽修傳修得韓愈遺稿于廢書篋中讀而心慕焉苦志探賸至忘寢食
明道雜誌司馬溫公當世大儒博學無所不週雖已貴顯而刻苦記覽甚於童布皆為某言學者讀書少

能自第一卷讀至卷末往往或從中或從末隨意讀起又及不能終篇先性最專書愈如此從來惟見何涉學士案上惟置一書讀之自首至尾正錯校字以至讀終未終卷誓不他讀此學者所難也何涉蜀人
聞見後錄王荆公初參政事下視廟堂如無人一日爭新法怒目諸公曰君輩坐不讀書耳趙鼎歎同參政事獨折之曰君言失矣如車覆覆哭之時有何書可讀荆公默然
晁水燕談錄眉山蘇洵少不喜學其壯猶不知書年二十七始發憤讀書舉進士又舉茂才皆不中曰此未足為吾學也從其文閉戶讀書五六年乃大究六經百家書說嘉祐初與二子賦職至京師歐陽文忠獻其書于朝士大夫爭持其文二子舉進士亦皆在高等於是父子名動京師而蘇氏文章擅名天下目其文曰三蘇蓋洵為老蘇軾為大蘇轍為小蘇也
田居乙記有人問蘇文忠公曰公之博洽可學乎曰可吾讀書蓋數過而始盡之如治道人物理地理官制兵法貨財之類每一遍博求一事不待數過而事事情最矣參佐備錄八面受敵沛然應之而莫禦焉
齊東野語昔有以詩投東坡者謂謂之而謂曰此詩有分數否坡曰十分其人大喜坡後曰三分詩七分讀耳此雖一時戲語然涪翁所謂南陽讀書伊吾聲蓋善讀者其聲正自可聽耳王禹偁望端拱初參大政上每試舉人多令汚讀試卷河東素善讀縱文格下者能抑揚高下迎其辭而讀之聽者忘厭凡經讀者在高選舉子凡納卷者必祝之曰得王楚望讀

學行典編學行典第九十六卷讀書部